

PROCESSUS NUPTIALIS,
QUEM



UNIGENITUS
ÆTERNI PATRIS

HIC TANQVAM SPONSVS PROCEDENS
inchoavit

In Conceptione sua

Naturam humanam indissolubili vinculo
Sibi conjungendo,

Continuavit

IN ANNIS CONVERSATIONIS SUÆ
FACIENDO ET DOCENDO

Consummavit

IN MORTE SUA
NOS REDIMENDO,

Piô Sermone relatus è Cathedra Metropolitana
feriâ quintâ in Cœna Domini

à

Reverendissimo, Frænobili, ac Amplissimo Domino

GODEFRIDO ANTONIO HERBST, SS. Theol: Baccalaureo formato, Sac: Metrop: Eccl: Pragensis ad D. Vitum Canonico Seniore, supremo Regni Boëmiaë Quæstore, nec non Celeberrimi Archi-Episcopalis Collegij in Aula Regia Inspectore.

Vetero Pragæ in Aula Regia, apud Welfgangum Wickhart, Archi Episc: Typog:

1711



ORATIO.

Auditores.

Lustra sex qui jam peregit, tempus im- Ecclesia,
plens Corporis.

Sponte liberâ Redemptor Passioni de-
ditus,

Tanquam Sponsus, quam olim super ferali Solimæ Thea- Pf. 18. v. 6.
tro, ante perversos injustitiæ Ministrôs, in Consilio ma-
lignantium sponsæ suæ in Gratiâ lusit scænam amoris,
æquè ac Doloris, lustrô abhinc unô piô Sermone repro-
duci indulsit, ubi ad Discipulorum suorum pedes *præ-* Joan. 13. v. 5.
cinctus linteò ostendit, se ministrum imò Magistrum hu-
militatis: *exemplum enim dedit nobis, ut quemadmodum ille*
fecit, & nos faciamus; In horto Gethsemani sub *sudore* Luc. 22. v.
sanguineo ad deliquium usque eradicandis primi, & reve- 44.
ra inimici hominis zizanys solertissimum hortulanum, in- Matt. 13. v.
ter accusantium, calumniantium, & cædentium cohortes 28.
ad miraculum Pilati Silentiarium perfectissimum, in- Matt. 27. v.
ter flagellantium, & dilaniantium manus sub patientiæ 14.
Clypeo Strategum fortissimum; Sub frutice rhamni, Jud. 9. v. 14.
Spinis, inquam, exhibuit se Regem lignorum, arborum
inversarum, ne dicam hominum perversorum: *Recipit* Luc. 15. v. 2.
enim peccatores, ac tandem in Ara Crucis pro reconcili-
liando peccatore Mystam Sacratissimum; Qui nuper Act. 10. v.
omnia benefecit; Hodie nuptias suas solenniter celebra- 38.

Matth. 18. re, castissimúmque cum sponsa sua gestit prosequi con-
 nubium. Jam pridem audistis AA. *Regnum Cælorum si-*
mile esse homini Regi qui fecit Nuptias filio suo. En! quod
 Veritas æterna sub parabola prædixit, hic verificatum
Homil. S. intelligite. *Regnum Cælorum præsentis temporis Ecclesia di-*
Greg. 12. in *citur, de quo in alio loco Dominus dicit: mittet filius homi-*
Evang. *nis Angelos suos, & colligent de Regno Ejus omnia scandala,*
neq; enim in illo Regno Beatitudinis, in quo pax summa est, in-
veniri poterunt scandala, quæ colligantur.

Et verò, Regnum Cælorum præsentis temporis Ec-
1. Tim. 1. clesia: habet enim Regem Cælestem; *immortalem, & in-*
Dan. 7. v. 18. *visibilem, Regem omnium sæculorum, cui omnis creatura sub-*
Judith. 9. *jecta est: habet Cælestem legem, quâ dirigitur: lex ejus*
v. 7. *veritas: Cælestem Doctrinam: verba vita æterna: Cælestes*
Pf. 118. v. *gratias & dona: apparuit enim gratiâ Illius omnibus hominibus,*
142. *erudiens nos; Cælestes promissiones: Vitam æternam dat*
Joan. 6. v. *suâ. Cælestem ordinem: Unus Deus, Una fides, Unum Baptif-*
69. *ica: Cælestem cibum: non de solo pane vivit homo, sed*
Tit. 2. v. 11. *de omni verbo quod procedit de ore illius; panem Cæli dedit eis,*
Joan. 17. v. *lignum vita: Cælestem hæreditatem: incorruptibilem, in-*
2. *contaminatam, conservatam in Cælis. Continuoque tendit,*
Ephes. 4. v. 5. *& aspirat ad cælestia; quia conversatio nostra in Cælis est.*
Matt. 4. v. 4. *Regis hujus Majestas habet pro decore suo æter-*
Pf. 77. v. 24. *nam suam Claritatem; Lux est, & lucem inhabitat omni*
Apoc. 2. v. 7. *oculo creato inaccessible; Habet pro Purpura immor-*
1. Pet. 1. v. 4. *talitatem, pro diademate Gloriam; pro sceptro poten-*
ad Philip. 3. *tiam: Fortis & potens; pro terminis Regni sui immen-*
v. 20. *sitatem Regni Ejus non erit finis; pro opibus ipsam felici-*
1. Joan. 1. v. *tatem: Nullius eget; pro ministris spiritus cælestes: Mil-*
5. *lia Millium ministrant ei; pro throno: Cælum; pro scabel-*
1. ad Tim. 6. *lo pedum suorum terram.*
v. 16.

Dicitur porro: Homo Rex, cùm DEUS sit, quia hu-
2. Cor. 1. v. 3. manissimus, quia benignissimus erga suos: *Pater misericor-*
ricar-

ricordiarum, & DEUS totius consolationis cujus deliciae esse cum filijs hominum. Si tamen Personæ Ejus Regiæ speciem scire desideratis? *Caput Ejus aurum optimum, est ipsa Divinitas ex qua omnis nobis Spiritus vite, Gratia, & virtutum, omnis sapientia, potentia charitas, omnis pulchritudo emanat.* Facies ejus, *splendor lucis aterna, in quem desiderant Angeli prospicere; Oculi Ejus, intellectus & providentia: Signatum est super nos Lumen vultus tui Domine, quem nullum latet secretum; Os Ejus Veritas æterna: est autem DEUS verax; Labia Ejus, duo Testamenta: Olim loquens DEUS Patribus in Prophetis novissimè locutus est nobis in filio; brachia Ejus, fortitudo & potentia: tuum brachium cum potentia; Ubra Ejus, bonitas & Clementia: nunquid potest oblivisci mulier, ut non miscreatur filio uteri sui, & si ipsa oblita fuerit, ego tui non obliviscar dicit Dominus; pedes Ejus misericordia & veritas, quæ obviaverunt sibi; aures Ejus miseratio: aures Ejus ad preces eorum, clamabis ad Eum & exaudiet te; Cor Ejus charitas: DEUS charitas est, & qui manet in charitate in DEO manet & DEUS in eo.*

Prov. 8. v.

31.
Cant. 5. v. 11.

Ambros.

Serm. 20.

In Pl. 118.

Pl. 4. v. 7.

Rom. 3. v. 4.

Hebr. 1. v. 1.

Pl. 88. v. 14.

Isa. 49. v. 15.

Pl. 84. v. 11.

Pl. 33. v. 16.

Pl. 90. v. 15.

1. Joan. 4.

v. 16.

Matth. 3. v.

17.

ad Philip. 2.

v. 6.

Ita Theologi

S. Leo de

Nat. Serm.

7.

Filium habet Rex iste, in quo sibi bene complacuit, qui non rapinam arbitratus est per omnia, Divinitate, Majestate, Imperiô, Gloriâ, Sapientiâ, esse se æqualem Patri suo, Ipse enim & Pater Unum sunt;

Huic fecit nuptias, dum suam Naturam Divinam humanæ nostræ naturæ junxit unione Hypostaticâ quasi quodam maritali & indissolubili vinculo, quod nulla potentia, nulla vis nec ipsa mors dissolvere potuit, quod enim semel assumpsit nunquam dimisit, & quod erat esse non desijt.

Sacramentum hoc Magnum in incrementum Gloriæ suæ in salutem generis nostri præordinatum inchoavit sponus noster, illô tempore quando Angelo nunciante,

Clau-

Ecclesia. *Clausa Parentis Viscera caelestis intravit Gratia, & Virgo intacta, nesciens Virum concepit alvo filium, ac benedicta inter mulieres nobis DEUM protulit & hominem.* Aptè tunc sponso nostro procedenti de thalamo suo Virgineo Cælestis

Luc. 2. v. 14. *Genij festivum cecinere Epithalamium: Gloria in Excelsis DEO, & in terra pax hominibus; humanitas enim apparuit Salvatoris, Gloriam suam nobis manifestans, & hominem DEO reconcilians pacem terris reddidit, aptè:*

ad Tit. 3. v. 4. *quia per hoc magnum Sacramentum Ipsi magni inter se facti praelij ruinas de genere nostro abundanter reparari agnovere, unde nec nobis inconveniens sit, etiam hoc*

Apoc. 12. v. 7. *facerrimi luctus tempore iisdem congaudere & exultare; quia venerunt nuptia agni.*

Ibid. 19. v. 7.

Inchoatam hujus Sacramenti solennitatem continuavit sponsus noster, dum in Judæa, in Galilæa, in Samaria in finibus Decapoleos, ad mare Tiberiadis, ad fontem Sichar, in regione Gerazenororum, in partibus Tyri & Sidonis, *docendo & benefaciendo pertransiit.* Quin imò à principio Nativitatis suæ admirabili æquè ac sapientissimâ cæli dispositione Herodis impietatem fugiens, *in longinquam Ægypti regionem illatus est, ut gens illa antiquis erroribus dedita, jam ad divinam salutem per occultam Gratiâ signaretur, & qua nondum ab animo ejecerat superstitionem jam hospitio reciperet veritatem.* Et: Ut Magni Sacramenti solennitas in orbem universum divulgetur, *nuptiæq; discumbentium frequentiam, non minùs condecorentur, quàm impleantur, misit servos suos ut invitent, quorum in omnem terram exiit sonus, & in fines orbis terræ verba eorum.*

Act. 10. v. 38.

S. Leo. Serm. 2. de Epiph.

Matth. 22. v. 10.

Ps. 18. v. 5.

Perfecit hoc Sacratissimum Connubium, clariùs dicam: absolvit solennitates nuptiarum sponsus noster in amarissima Passione & morte sua, quam nobis hinc facris ferijs Mater nostra Ecclesia piò luctu commemorat;

Ast AA. non fit Vobis vanum néque paradoxum sub
 connubiorum jocis, & delicijs, sub nuptiarum solenni-
 tatibus Vitæ Passionis & mortis Ejus sortem plagasque
 recolare, sic enim *Risus*, quem fecit nobis Dominus na-
 scendo *Dolori* Passionis & mortis Ejus *admiscetur*, at-
 que *extrema gaudij, summa gaudij nostri* (*gaudemus enim
 quia nomina nostra scripta sunt in celis*) *luctus Illius occupat,*
amarissima mors Ejus perficit. Hæc liceat tuâ Gratiâ
 sponse Zelantissime, pace vestrâ AA. sub continuata nu-
 ptiarum metaphora, hic piè repræsentare, ut *redemptio-
 nis nostræ fructum in nobis jugiter sentiamus.*

Prov. 14. v.
 13.

Ecclesia.

A Uditorès: Vix unquam, etiam inter illos, quibus
est res angusta domi, aguntur nuptiarum Solennita-
 tes sinè convivij, & convivis, *Nuptiæ factæ sunt in Cana*
Galilææ, & erat Mater JESU ibi & JESUS cum discipulis suis,
 utique in Convivio nuptiali, in quo, vinò deficiente cel-
 lam suam ad hilaritatem usque ne dicam ad ebrietatem
 & extasim convivantium aperuit Divinissimus Cella-
 rius: *hoc enim initium signorum suorum fecit ibidem.* Rex
 noster Rex omnium seculorum dum fecisset nuptias filio suo
 servos suos iter atò misit, dicere invitatis, ut venirent quia
parata sunt omnia; Tandem: cum multi neglexissent ve-
 nire, alios *compelli* jussit, donec impletæ sunt nuptiæ di-
 scumbentium.

Joan. 2. v. 1.

Matth. 22.

v. 4.

Luc. 14. v.

23.

AA. Eximius alioquin paupertatis Professor, & Pro-
 fessus, *qui non habuit ubi Caput reclinet* in alieno natus,
 mortuus, & sepultus, quæ in Cana Galilææ suâ Præsen-
 tia sanctificavit, SS. Conviva, ea inter cæteras nuptia-
 rum suarum Solennitates exhibuit largissimus œcono-
 mus; *Ubi vis manducemus Pascha?* Adoriuntur eum Disci-
 puli sui, & respondit: *Ite in Civitatem, & obviambit vobis
 homo lagenam aquæ bajulans sequimini eum, & ubi introie-
 rit*

Matth. 8. v.

20.

Ita S. Aug.

Evthimius,

& Beda.

Marc. 14. v.

13.

rit dicite Domino Domus &c. Signate verba, notate my-
 steria : in Civitatem ablegat Discipulos suos pro pa-
 rando convivio suo nuptiali pro Cæna sua ; in Civitate,
 non in agris, non in villis, non in hortis convivari de-
 siderat. Noverat, quia in horto voluptatis *Patres nostri*
consilio serpentis comederunt uvam acerbam, qua etiam den-
tes filiorum stupefecit, animas infecit ; Noverat, servorum
 stationes *in agris, in villis,* in quas suapte obstinatione di-
 gressi, sub legis jugo duram trahendo servitutem, *indi-*
gnos se fecerunt Regno DEI, convivio evangelicò. Et ideo
 fortè sapientissimus Sponsus noster à sponsa sua olim
 invitatus *in agros, in villas* non comparuit, siquidem us-
 que hodie suspirat *Illa dilectum suum invenire foris.* Nec
 inveniet, quia non cum *servis foris,* sed cum *amicis,* sed
domesticis & concubibus suis in Civitate, in Ecclesia, convi-
 vari desiderat. Et quidem in *Cenaculo grandi strato &*
parato, instructo Mensis aliisque decoris Utensilibus,
 vestito tapetibus, ornato frondibus, illuminato fa-
 cibus, ut vel inde dignitatem excellentiamque hujus
 Regij convivij æstimare téque eidem internò cordis de-
 core adaptare satagas.

Luc. 14. v.
 18.
 Astor. 13. v.
 46.

Cant. 7. v.
 11.
 Ibidem 8.
 v. 1.
 ad Gal. 4. v.
 25.
 ad Ephes. 2.
 v. 19.

Ità Tyrinus
 in hunc lo-
 cum.

S. Chrysof.
 Hom. 60. ad
 pop.

Genes. 14.
 v. 18.

Hymn. Ec-
 clesiast.
 Exod. 12.

Quis autem ciborum apparatus? *AA. non sunt hu-*
mana virtutis, non humanæ inventionis, non humanæ
 liberalitatis *opera quæ proponuntur ;* DEUS hujus sacerrimi
 convivij œconomus, *cùm sit potentissimus, plùs dare non*
potuit, cum sit sapientissimus plùs dare nescivit, cum sit di-
tissimus plùs dare non habuit. Recogitate *AA. Regis Salem*
Melchisedech sacrificium Abrahamo Gentium Patri in pa-
ne & vino oblatum, parùm est, quia panis & vinum ; hic
 sub panis & vini specie in cibum porrigitur, Ipse DEUS,
ô res mirabilis, manducat Dominum pauper, servus & bu-
milis. Comemoramini *agnum Paschalem,* in memori-
 am sui *transitus* de servitute *Ægyptiaca,* populo edi de

mandatum, parum est, quia typus; hic Agnus immaculatus offertur, cujus sanguine è servitute Diaboli liberati in libertatem filiorum DEI adscribimur. Recogitate Manna Cælo depluum de quo populus DEI in deserto habuit alimentum & oblectamentum parum est, quia corruptioni obnoxium *manducaverunt manna & mortui sunt*; hic *caelestis dulcedo in ipso fonte degustatur, qui manducat hunc panem vivet in aeternum*. Recogitate panes propositionis ad ritum legis sanctificatos, parum sunt, quia hostantum sacerdotibus licebat edere; Hic prodest omnibus, qui pro salute & sanctificatione omnium calò delapsus est. Recogitate omnes legis oblationes, hostias, libamina, & holocausta, quibus supremam DEI creatoris sui Majestatem colebat populus Israel, parum sunt, quia figuræ, hic, *qui est plenitudo Deitatis, veritatem præfigurata imaginis præsentia sua adimplevit*, Hic thesaurus in exhaustus Charismatum Divinorum, hic Pharmacum immortalitatis, hic pignus æternæ Gloriæ, DEUS absconditus, & Salvator. *Cogita ergo quali sis insignitus honore, quali mensâ fruaris; quod Angeli videntes borrescunt, neque libere audent intueri, propter emicantem inde splendorem Divinitatis, hoc nos pascimur, huic nos unimur. Quis loquetur potentias Domini, auditas faciet omnes laudes ejus.*

Vocat equidem Universitatem generis nostri ad hoc suum Epulum cælestis architriclinus, *venite inquit omnes qui laboratis & onerati estis, & ego reficiam vos. Ast ejiciuntur in tenebras exteriores qui carent veste nuptialis dispositionis debitæ; qui accedere vult, probet autem se ipsum homo, an homo sit imaginem DEI Creatoris sui, munditiâ cordis, justitiâ operis, in anima sua referens? arcentur enim ab hac humanissima Sapientie Divina Mensa qui homines non sunt, qui sub hominis specie Cor fera cor bestiae gerunt, sub ovina pelle Christiani nominis,*

Rom. 8. v.

21.

Exod. 16.

S. Thom. 4.

Opus. 5. 7.

Joan. 6. v.

49. & 50.

Exod. 35.

v. 13.

S. Cyprian,

ad Cæcil.

lib. Ep. 3.

SS. PP.

S. Chrysof.

ut sup.

Pf. 105. v. 2.

Matth. 11. v.

28.

1. Cor. 11.

Dan. 4. v. 15.

Matt. 7. v.

15.

lupum perverſæ actionis contègunt. Foris canes, venefici,
 Apoc. 22. v. 25, *& impudici & idolis ſervientes, & qui faciunt mendacium,*
 & ſimilia perverſæ humanitatis monſtra: non huc ſtru-
 Matth. 23. thionum (Phariſæorum) criſtata ambitio *primos recubi-*
 v. 6. *tus quærentium*: corrigitur ſeverè Verbi Divini eloquiò;
 non huc famelica luporum (Iſcariotæ ſodalium) avari-
 tiâ, juſtitiam, & animam ſceleſtò pretiò prodigentium:
 Joan. 13. v. 27. *plectitur Satana imperiò.* Non huc fætida hædorum libi-
 do; *ſtatuitur à ſiniſtris* in pœnæ æternitate; non huc Ca-
 Matth. 25. ninæ ſoboles invidiæ: *traditur in ſenſum reprobum.* Non
 v. 33. huc porcorum gulofus grex: *mancipatur immundorum*
 Rom. 1. v. 28. *ſpirituum hoſpitiò.* Non rabida tygridum progenies: *dam-*
 Luc. 8. v. 33. *natur morte ſtulti, & maledictione.* Non *pigri aſinorum*
 Job. 5. v. 2. *ventres*: ſubjiciuntur *egeſtati* perpetuæ. Verbò: *nemo*
 Tit. 1. v. 12. *inhumanus, nemo crudelis, immiſericors nemo, nauſeabun-*
 Proverb. 29. *duſ nemo, diſſolutus nemo, iniquus nemo, immundus nemo,*
 v. 5. *huc accedat. Panis enim angelorum factus cibus viatorum*
 I. Chryſoſt. *non mittendus canibus.*
 Hom. 60. ad prop.

Et hic AA. reſeratur myſterium: quòd homo lage-
 nam aquæ bajulans diſcipulis oſtendat ingreſſum ad con-
 Ephes. 5. v. 26. vivium hoc, quia, *lavacrum aquæ in verbo vitæ*, per S.
 Baptiſma præbet januam ad reliqua ſalutis noſtræ per-
 cipienda Sacramenta, Ea tamen, maximè hoc convivi-
 um Angelicum, abſque lavacro Pœnitentiæ accedere
 nefas proditoris eſt. Stat æternæ veritatis ſententia:
 Matth. 15. *illis manibus panem noſtrum quotidianum manducare,*
 v. 20. *non coinquinat hominem*, illotâ tamen conſcientiâ immundâ
 animâ hunc Panem edere ſacrilegium eſt *æterni interitûs*
 ſorte multandum. Erant *lapideæ Hydriæ ſex poſitæ, ſecun-*
 Joan. 2. v. 6. *dum purificationem Hebræorum*, ſecundùm legem, pro pu-
 rificatione convivantium; tibi ô ſponſa in lavacro pœ-
 nitentiæ totum flumen ſui ſanguinis offert in emunda-
 tionem *ab operibus mortuis à ſordibus peccatorum*, ut *tota*
 Hebr. 9. v. 14. *pulcra*

pulchra Convivio huic adesse valeas. *Lavit pedes Discipulorum suorum* Humilitatis Magister post cœnam, qui enim loti erant aliàs, non indigebant nisi ut pedes lavent, & sint mundi toti, tibi ante Cœnam hanc *Hysopò merito- rum* Ejus aspergi & super nivem dealbari convenit, ut adesse gaudeas.

Sed favete metaphoræ meæ AA. à Coëna Sacratissima digressum, more convivantium more sponforum ad saltum ad choreas; Siquidem ipse sapiens assignavit *tempus saltandi* & post illum studiosissimi æquè, ac Sanctissimi interpretes Evangelicæ veritatis in sponso nostro notârunt Mysticos, & admirabiles quosdam saltus: Saliit enim è Cælo in uterum Virginis, è Virginis utero in præsepe, è præsepi in Ægyptum, ex Ægypto in Nazareth, à Nazareth in Jordanem ad Baptismum, à Baptismo in desertum ad exercitium jejunij, inde in hortum oliveti, inde ad prætorium Pilati, inde ad Crucem. Non abs mysterio in sacris paginis sponsa Dilectum suum: *assimilare Caprea, binnuloq, Cervorum*, inclamat, quia hæc ferarum species præ cæteris blanda & pulchra, agilis & velox, saltando, exsiliendoque per montes colles, & saxa itenera conficit sua, in his ipsa dilecti sui Genium dilaudare studet, *qui exultavit, ut Gygas* (alij vertunt ut Cervus) *ad currendam viam suam.*

Viam aquile in Cælo, viam colubri super petram, viam navis in medio maris quis capiat? quis explicet? cum hæc sapientissimo Regum terræ captu fuerint difficilia; *viam viri in adolescentia* se penitus ignorare, fatetur ingenuè; Transeat assertum illius; Nec miror ignorantiam, quia Patres nostri, inter quos ille, *omnes sub nube fuerunt*, sub umbris lucem, sub allegorijs proprietatem, sub parabolis doctrinam, sub figuris veritatem exquirere debebant, *nobis autem quibus datum est nosse mysteria Regni DEI, cæ-*

Matth. 13. v. 11. *lestis doctrinæ, postquam lux vera venit in mundum, que illuminat omnem hominem, non ignota amplius est via Viri in adolescentia. Ecce Vir, oriens nomen ejus, Filius altissimi sponus noster, Vir in adolescentia, imò in Sacratissima Conceptione sua perfectus, non modo potentij animæ, sed & membris corporis; Vir in nativitate, qui licet parvus in pannis magnus tamen in calis Orientalibus Magis innotuit stellæ indicio, Cujus etiam cune scelestos terrebant Reges. Vir in adolescentia: Cum enim 12. esset annorum sedens docebat in templo inter doctores audiens & interrogans illos ad miraculum ad stuporem.*

August. Serm. 2. de Epiph. I. uc. 2. *Via Ejus, saltus Ejus, è sinu æterni Patris in uterum Virginis Matris; propter nos & nostram salutem descendit de calis, conceptus de Spiritu Sancto, Natus ex Maria Virgine homo factus est. O admirabile commercium Creator Generis nostri animatum Corpus sumens de Virgine, nasci dignatus est, & procedens homo sine semine largitus est nobis suam Deitatem. Hic agnosce ò homo dignitatem tuam & divinæ consors factus naturæ, noli in veterem vilitatem degeneri conversatione redire, agnosce: quia limus es, & non sis superbus, quia DEO junctus es, & non sis ingratus; Nihil DEO sublimius, nihil limò vilius, & tamen tantà dignatione descendit DEUS in limum, tantàque dignitate ascendit limus in Cælum, ut quidquid fecit Deus limus fecisse credatur, & quidquid pertulit limus, Deus pertulisse dicatur.*

Ecclesia. *En iste saliens in montibus, transfiliens Colles sublimissimæ Gloriæ suæ, salutis nostræ Mysteria hoc sal-*
 S. Leo in Nat. D. *tu suò nobis manifestavit, quin: contriti sunt montes sc-*
 S. Bern. Serm. 1. de Nat. *culi, contrita Luciferi in monte testamenti sedere volentis, superbia dum DEUS factus est homo, ut homo fieret DEUS, incurvati colles mundi, ab itineribus eternitatis Ejus, incurvantur ad Ejus præsepe, ad Ejus nomen, ad Ejus Verba, ad Ejus Crucem, Orbi Dominantia Capita;*

pita ; in Præsepi grande Myſterium Deitatis incarnatæ ,
in Sanctiſſimo Nomine Ejus ſignaculum ſuæ ſalutis, in
Verbis Ejus præconium æternæ Veritatis, in Cruce Ejus
Trophæum devotæ mortis æternæ adorantia.

Via Ejus ſaltus Ejus è quiete ad labores ; Quievit
totâ æternitate in ſuaviſſimo Patris ſinu filius unigeni-
tus Ipſe ſibi pax, quies, & beatitudo incomprehenſibi-
lis, & licet inquietum perduellionis Caput Lucifer in
principio temporum aulam Ejus factô prælio magnô
turbaverit, *caſuque ſub tertiam partem in ſtagnum ſulphu- Apoc. 12.
ris ardentis deturbaverit,* non tamen ſtrages hæc commo- v. 7.
vit aut excitavit Eum ; *nufquam angelos ſuſcepit.* Sed Hæbr. 2. v.
poſt protoplaſtorum delictum, utpote, qui magis mo- 16.
bilitate animi, quàm malitiâ peccaverant, infelix nimi-
ùm (*nî felix culpa, quæ talem ac tantum meruit habere Re- Eccleſia.*
demptorem) genus noſtrum è voluptatis horto ejeſtum, ſub
infernalis Pharaonis ſervitute duriffima ad labores con-
demnatum tot gemitibus, tot ſuſpirijs, tot clamoribus
cælos laceſſijt, donec in fine temporum *propter miſeri- Pf. 11. v. 6.*
*am inopum, & Gemitum pauperum excitatus, tanquam dor-
miens Dominus, tanquam potens Crapulatus à vino,* non mi- Pf. 77. v. 65.
nùs zelo furoris in principem tenebrarum accenſus,
quàm in nos miſeros *miſericordiâ motus,* ad opus ſuum
exivit, *quod dedit illi Pater ut faciat.* Joan. 17.
v. 4.

Laudo in perferendis duris laboribus pro dilecta
ſua, Jacobi patientiam ; laboravit enim 14. annis, *diu Genef. 31. v.
noctûque, æſtu urebatur & gela fugiebátque ſomnus ab oculis* 40.
Ejus ; laudo in cæſo Philiftæo, pro Regis filia fortitudi-
nem Davidis, ſex cubitale monſtrum hominis *incircum-* 1. Reg. 17.
ciſi, proſternentis, laudo Judæorum poſt transmigra- v. 26.
tionem in exſtruendo DEI ſui templo ſolertiam, tenen- 2. Eſtræ. 4.
tium *unâ manu gladium* contra hoſtes ædificium impedi- v. 18.
entes, *alterâ malleum* opus perſequentes, laudo vigilan-
tiam

- Matth. 20. *tiam Patrisfamilias, qui exijt primo mane conducere ope-*
 v. 2. *rarios in vineam suam, Laudo Agricolam, qui seminavit*
 Luc. 8. v. 5. *bonum semen in agro suo, Laudo pastorem qui dimissis.*
 Ibidem 15. *99. in deserto magnô studiô quæsit centesimam, laudo*
 v. 6. *negotiatorem qui quærit bonas margaritas cum dispendio*
 Matth. 13. *totius suæ substantiæ, laudo parentem, qui recipit fili-*
 v. 45. *um prodigum; sed symbola sunt, imagines sunt, parabo-*
 Luc. 15. v. *læ sunt solùm, quibus gratia, Cura, labor, solertia, for-*
 13. *titudo, Vigilantia sponsi nostri pro sponsa sua laboran-*
 Ephes. 5. v. *per 33. annos, ut sibi compararet sponsam non habentem*
 27. *Rugam neque maculam, pugnavit cum Davide contra Ca-*
 1. Reg. 17. *pitalem salutis nostræ hostem fortissimè, ut auferret op-*
 v. 26. *probrium aterna servitutis de Israël, de populo suo. La-*
 2. Cor. 6. v. *boravit cum Judæis solertissimè, ut construat templum*
 16. *DEI, quod estis vos, laboravit in excolenda vinea sua so-*
 Isa. 5. v. 4. *lertissimè quod, quid ultra debuerit facere non invenerit.*
 Laboravit in seminando agro suo quàm optimè, quòd
fecerit fructum centuplum, laboravit cum pastore quæren-
do ovem perditam donec invenerit. Cum negotiatore
omnia sua: sanguinem & vitam impendendo pro compa-
randa bona salutis nostræ margarita; cum pio Parente
recipiendo filium prodigum stolâ primâ innocentiae illum ve-
 Actor. v. 1. *stiendo, epulis Gratiae suæ satiando; In laboribus à ju-*
ventute: faciendo & docendo: in infantia subjectionem.
 Obedientiam & reverentiam erga parentes exhibendo,
 1. Pet. v. 14. *perfectissima obedientia filius: Duodennis in templo cum*
 Doctoribus super legis quæstionibus conferendo, adul-
 Joann. 2. v. *tior sacrilegos & profanos mercatores, ex eodem exturban-*
 15. *do; Cum discipulis: eos pro regimine Ecclesiæ suæ tum*
 scientiâ tum moribus instituendo, cum turbis: iisdem
 Regnum DEI prædicando, cum justis: excitando eos
 ad virtutes, cum peccatoribus: eorum vitia corrigendo;

do; laboravit in vita, benefaciendo omnibus, in morte
satisfaciendo pro delictis omnium. Et hæc ex parte so-
lùm ad nostram doctrinam scripta sunt; sunt autem multa alia
quæ fecit, quæ si scribantur per singula nec ipsum arbitror
mundum cupere posse eos, qui scribendi sunt, libros.

Ibidem 21.
v. 25.

Hic labor hoc opus Ejus, AA. dixit, fecit, passus est,
quæ nemo alius. Et quis alius fecisset redemptionem plebis
sue quis læsæ Justitiæ Divinæ ex æquo satisfecisset, nisi
mediator DEI & hominum, Homo DEUS. Ille est qui de-
let iniquitates nostras propter se, ille est, & absque illo non est
Salvator; Non Angelorum chorus, quantumvis sint ad-
ministratores spiritus missi in obsequium illorum qui hereditatem
capiunt salutis, non Prophetarum numerus quantumvis
validissimi ad DEUM oratores pro populo, non Mar-
tyrum Exercitus quantumvis ardentissimi Veritatis pro-
pugnatores, non ipse amicus sponsi quantumvis Sanctifi-
catus in utero, non Ipsa ante, in, & post partum Virgo, ac
Mater admirabilis, quantumvis benedicta inter mulieres,
& benedictus fructus Ventris Ejus, non denique Ipsa turba
magna electorum, quam dinumerare nemo poterat suis labo-
ribus Virtutibus ac meritis suis reparare poterant offen-
sam DEI, quæ infinita ex parte objecti, in subjecto in-
finitam requirebat dignitatem dignus est agnus, qui occisus
est accipere virtutem & Gloriam & honorem.

Joan. 15. v.
24.
Luc. 1. v. 68.
1. Tim. 2.
v. 5.
Ira. 43. v. 25.

Hæbr. 1. v.
14.

Joan. 3. v.
29.

Luc. 1. v. 28.

Apoc. 7. v. 9.

Ibid. 2. v. 12.

Cant. 2. v. 1.

Ecclesia.
Pl. 46. v. 3.

Via Ejus saltus Ejus, è folio Gloriæ suæ in vallem
miseriæ humanæ, vel ideo lilium convallium dictus, quòd
ab altissimo Gloriæ suæ throno in infimam miseræ hu-
manæ vallem delapsus eximium suæ humilitatis spiret
odorem. Nam mox in introitu suo; Quem Cæli Cæ-
lorum capere non possunt; vagit Infans inter arcta con-
ditus præsepia, & DEI manus pedesque stricta cingit fascia.
Excelsus Dominus terribilis & Rex magnus super omnes Deos,
cujus potestati nemo valet resistere, timet homuncionis Re-

gis

Pf. 135. v. 25. *gis crudelitatem fugit usque in Ægyptum, qui Panem Cali*
 Joan: 4. v. 14. *dedit populo suo, qui dat Escam omni Carni esurit Ipse in*
 S. August: *deserto. Fons aque salientis in vitam aternam sicut Ipse*
 Tr. 15. in *ad fontem Jacob, & clamat in agone suo: Sitio. Virtus*
 Joann. *DEI per quam fugitati recreantur, quâ deserente fatigamur,*
quâ presente firmamur, ex itinere suo pro salute nostra
 Luc. 19. v. 41. *fatigatur. Æterni Patris Solatium, Lætitia gentis no-*
 Luc. 22. v. 43. *stræ lachrymatur super Civitatem, lachrymatur ad sepul-*
chrum Lazari. Gaudium Angelorum tristatur usq; ad
mortem orans prolixius in monte Oliveti, ut opus fuer-
rit Eum confortari ab Angelo. Venditur à Proditore
Discipulo, Magister Veritatis, captivatur à turbis, qui
 Pf. 118. v. 137. *nos liberavit à vinculis mortis, condemnatur ab injustis,*
 Ecclesia. *conspuitur, à scurris abjectissimis Rex Gloriæ, Cujus vult-*
um desiderat universa terra. Denudatur, flagellatur, co-
 I. Pet. 2. v. 22. *ronatur spinis, qui peccatum non fecit, nec inventus est do-*
 Joan. 10. v. 10. *lus in ore Ejus. Moritur in infami ligno qui venit ut vitam*
habeant, & abundantius habeant. Sic exinanivit semet-
ipsum formam servi accipiens.

Ridet hunc saltum superba Saulis filia in *Viro secun-*
dum Cor DEI, quem pro eximio Divinæ Majestatis cul-
 I. Paral. 15. v. 29. *tu saltantem & humiliantem se, coram arca fœderis, scur-*
 Esther. 1. v. 19. *ris adnumerat; Despexit hanc exinanitionem ambi-*
 Luc. 3. v. 30. *tiosâ Vasthi in Persarum medorumque Rege potentissi-*
mo, indignum reputans, Regem cum subditis conviva-
ri conversarique; Scandalizantur Pharisei, quare cum
Publicanis & peccatoribus manducat Magister Sanctitatis? non
tamen impunè: quia isti in pœnam scandali sui mali-
 Matth. 15. v. 14. *tiosè accepti ab ipsâ Veritate audiunt sibi ingeminari:*
Væ vobis, genimina viperarum, sepulchra dealbata, cæci &
duces cæcorum. Hæc ambitionis suæ detrimenta sentit
in sui Thalami Regij repudio, illa suo in sterilitatis maledic-
 dicto.

dicto. *Deridetur justī simplicitas*, rident amatores mundi,
 adhuc hodie Servorum DEI simplicitatem, humilitatem,
 & studium in amando in sequendo Eum, dum hi exem-
 plō, Humiliantis se usque ad mortem edocti, in Ejus glo-
 riam in proximi obsequium, ardua, insolita, ac indigna
 quæque, aut patiuntur, aut agunt; habentur adhuc ho-
 die ab illis *in derisum & similitudinem improperij*: *Vita illo-* Sap. 5. v. 3.
rum estimatur insania, qui spretis divitijs, honoribus,
 & delicijs, totis sæculi illecebris, paupertati, obedien-
 tiæ, ac Castimonix, jejunijs, vigilijs, laboribus, *spe me-* Hæbr. 11.
lioris resurrectionis mancipant vitam suam; Ridentur, non V. 35.
 tamen impunè, quia sicut *illos* vanitatum Sectatores *ride-* Sap. 4. v. 19.
bit Dominus, & erunt post hac decedentes sine honore, in con- Job. 21. v.
tumelia inter mortuos in perpetuum, postquam duxerint in 13.
bonis transitorijs *dies suos in puncto æternitatis ad inferna*
descensuri. Sic justī in perpetuum vivent, & apud Dominum Sap. 5. v. 16.
erit merces eorum, computati sunt inter filios DEI & inter
sanctos fors illorum est.

Quid ultra AA. tempus saltandi finitum est, Con-
 sumavit saltum suum labores suos sponsus noster, dum
 inter crudelissimas sacratissimi Corporis sui agitationes,
 ostentationesque, jam sub catenis gladijs & fustibus
 tanquam latro, jam sub floccis ludibrii tanquam amens,
 jam sub flagellis ut malefactor, jam sub spinis & purpu-
 ra ut pseudo-Rex, tandem sub infamis ligni pondere Joan. 19. v.
 bajulans sibi Crucem passibus sanguineis pervenit ad 17.
 montem Calvariæ, *ubi crucifixerunt Eum*. Traditio Pa- S. August.
 trum est; locum hunc non tam ob malefactorum cal- Serm. 71. de
 variarum, quin potius ob calvariæ primi hominis hōc lo- temp. & alij.
 cō sepulti, traxisse nomen, & ideo locum malefactorum
 supplicij fuisse addictum, quia genus nostrum ob
 peccatum in illo infelici Capite admissum, omnes pœ-

- nas, omnia supplicia traxit in se. Credimus hic symbolicè completam esse visionem Prophetæ spectantis
- Ezech. 37. *campum magnum, plenum ossibus aridis, ad mandatum DEI à quatuor mundi plagis flante Spiritu reviviscentibus; accesserunt ossa ad ossa, unum quodque ad juncturam suam, & ascenderunt super ea nervi & carnes, & ingressus in ea Spiritus, vixerunt, steteruntque super pedes suos exercitus grandis nimis valde; Verus enim Ezechiel Fortitudo DEI hic extirpavit mortis pestem quam plantavit primus parens hominum, convenienter enim hic fuit plantatus medicus ubi jacebat agrotus, imò mortuus Adam, hic Vita mortem perferens morte suâ vitam nobis protulit, & quem*
- Aug. ut sup. *DEUS dedit Israeli Salvatorem, verus Elizæus mortuus mortuum excitavit genus nostrum. Hic requievit ab universo opere suo, quod patrârat redemptor noster, erat enim magnus ille dies Sabbathi, dies quietis, quò reconciliati sumus, DEO per mortem illius. In hoc loco, in hoc ligno sibi, tibi que thalamum, lectulum quietis statuit illius Amor; Desideriò desideravit pati pro te, mori pro te in cruce, non detrectes tu illi hoc thalamò Regiò con-*
4. Reg. 13. v. 5. Gen. 2. v. 2. Rom. 5. v. 10. Luc. 22. v. 15. Matth. 10. v. 8. de Kemp. lib. 2. Cap. 12. Cant. 3.
- quiescere, ne æternum patiâre repudium; Qui non accipit crucem suam & sequitur me, non est, inquit, me dignus; Oportuit illum pati & itâ intrare in gloriam, in Requiem æternam, Exemplo suò monstrat tibi, quid te oporteat facere, neque aliam tibi ad veram internâmq; pacem & vitam, superesse viam, quam viam crucis, errat totò coelo, totâ quiete, totâ felicitate qui viâ Crucis non sequitur Dominum. Quævisisti quem diligit anima tua, in proprio tuo deliciarum mundanarum lectulo quævisisti in nocte tum ignorantia, tum malitia, quævisisti per vicus, & plateas, inter curas & sollicitudines sæculi atque vulnerata lanceis peccatorum, spoliata palliò Divinæ Gratiæ,*

tia, non invenisti nisi vanitatem & afflictionem Spiritus.
Adhuc ne quæris ubi cubet? in lectulo suo, in monte
Calvariæ in Cruce; ibi requies tua; non incipias, vagari
post greges sodalium Illius, creaturarum Illius, inquietum
semper erit cor tuum, donec requiescat in illo. In merito Cru-
cis pax vera.

Ibid. 1. v. 6.
Ecclef. 1. v.
17.

Prælufit huic veritati Salvator tuus, quando Ipsô
navigante cum discipulis, factus est motus magnus in ma-
ri, Ipse verò dormiebat; comprobavit illam, dum totô
creaturarum Ordine ob immanitatem spectaculi pertur-
batô, sole obscuratô, firmamentô tenebris obvelatô,
terrâ tremente, petris scissis, mortuis à tumulo prode-
untibus in Cruce expiravit Ipse, & ultimâ voce suâ, quasi
pro completorio officij sui noctem quietam nobis di-
cens in pace obdormiit, & quievit, discas inter mundi hu-
jus procellas navigare cum illo, & erit navicula vitæ
tuæ, quantumvis operiatur fluctibus, absque periculo,
discas Illi in Crucis thalamo concumbere, securè dor-
mies, securè quiesces fractus licet illabatur orbis. Ha-
buit Loth, adustâ, ob fœdos libidinis ignes, totâ Sodo-
morum Regione securitatem in monte, habuit populus Israël
Civitates Asyli in periculis & discrimine vitæ, Tu in mon-
te Calvariæ, tu in Cruce in foraminibus Petra quæ est Cbri-
stus; hîc salus, hîc vita, hîc protectio, hîc robur men-
tis, hîc quies, hîc gaudium Spiritus.

Matth. 8. v.
24.

Marc. 15. v.
37.

Pl. 4. v. 11.

Gen. 19.

Num durum tibi videtur in monte Calvariæ, inter
maleficorum Calvarias, inter convitiantium linguas,
inter crucifigentium manus, in loco supplicij in duro
Crucis ligno, ubi non nisi mortis imago, animæ tuæ quie-
tem quærere? Durus tibi videtur sermo Domini: qui
vult venire post me, abneget semetipsum tollat crucem
suam & sequatur me? durius erit audire: discedite à me
maledicti in ignem æternum.

Matth. 16.
v. 24.
Ibid. 15. v.
41.

Lectu-

Lectulus noster floridus inquis? conquiescas ergo Di-
lecto tuo in Cruce per veræ compassionis, compun-
ctionis, & humilitatis affectum; hi enim flores quibus
ille in lectulo suo stipari desiderat, *tibi fructum afferent*
in patientia, fructum veræ quietis & tranquillitatis hic
inter adversa vitæ, ibi in patria Requiem æternam; Cer-
ta & secunda est expectatio promissæ beatitudi-
nis, ubi est participatio Dominicæ
Passionis

S. Leo. Serm.
9. de quadr.

D I X I.

